

KÂ-WÎKICIK MASINAHIKAN OHCI PAKITINIKAWISIWINA
kâ-wîkicik masinahikan ohci pakitinikawisiwina

3 (1) pikwâwiyak ka-masinahawisot ekotawihk kinwes nâkateyihcikewikamikohk takihcinâhow anihî pakitinikawisiwina kâ-wîkicik kwayask manâcihtâhk ekwa wihtamihk :

PAKITINIKAWISIWIN KWAYASK KA-PAMÎHKAWIYAN

1. tahto kâ-wîkit ayisiyiniw ayâw pakitinikawisiwin kwayask ka-pamihîht eta esi kiskeyimiht pikwâwiyak kâ-wîkit kihceyimisowin, kâ-itakisot ekwa kâhesi ayisiyiniwit, kiyâm âta awîna wiyâ, tânte wahkohtahk, tânte ohceyit, itasinâsowin, ayisiyiniwin, masinahawisowin, tâpwihtamowin, nâpew ahpô iskwew, kîko ayisiyiniwin, nâpew ahpô iskwew itâsitisiwin, nâpew ahpô iskwew itôtamowin, itahtopiponewin, wîcâyâmitowin, peyakoskânewin ahpô mâskisiwin.
2. pikwâwiyak kâ-wîkit ayâw pakitinikawisiwin ka-manâcihîhcik kahesi wîkicik
3. pikwâwiyak kâ-wîkit ayâw pakitinikawisiwin ka-manâcihîhcik kahesi itasiwecik.

PAKITINIKAWISIWIN MOY TAKITIMAHÎHCIK EKWA MOY TANAKATIHCIK

4. pikwâwiyak kâ-wîkit ayâw pakitinikawisiwin moy takitimahiht.
5. pikwâwiyak kâ-wîkit ayâw pakitinikawisiwin moy tanakatiht ohci kâ-masinahikecik ekwa atoskewiyiniwak

PAKITINIKAWISIWIN KWAYASK TAPIMÂTISIT.

6. pikwâwiyak kâ-wîkit ayâw pakitinikawisiwin tawihtahk kwayask, tapekiyohkâkawit pikwâwiya kâ-nitaweyimâcik ekwa pîkiskwâtâcik pikwâwiya ekwa moy tamostâcihkawihcik.
7. pikwâwiyak kâ-wîkit ayâw pakitinikawisiwin pikwâwiya ka-wîcîwâkaneyimâcik ekwa tawîcihîhtâsocik ekotawihk kinwes nâkateyihcikewikamikohk.
8. pikwâwiyak kâ-wîkit ayâw pakitinikawisiwin ka-wîciwîkimât

kotakwa ekota kâ-wîkiyit pikwesi esi nitaweyihtâhkik, kîspin miywâsin ekota tawîkihk.

9. pikwâwiyak kâ-wîkit ayâw pakitinikawisiwin takiyohkawâcik osâkihâkaniwâwa wikamikosihk eta moy tawâpamihcik.
10. pikwâwiyak kâ-wîkit ayâw pakitinikawisiwin takiyohket, tahitôtahk pimâtisiwina, mawimôscikewina, ahcahkewina ekwa kotakwa itôtamowina, kakwe miyo pimâtisicik ekwa tawîcihihcik ohci kâhayât masinahikan tahahkami itôtahkik kîkwaya ekwa ayiwâk takakwe miyo pimâtisicik.
11. pikwâwiyak kâ-wîkit ayâw pakitinikawisiwin eta ka-wîkicik eta e-kanâtahk ekwa e-kanaweyihtâkwahk
12. pikwâwiyak kâ-wîkit ayâw pakitinikawisiwin takaskihtâcik tahitohtecik wayawetimihk piko kîkway nohte itôtahkwâw mâka kîspin anima ayâwin wihcasin tahitohtehk.
13. pikwâwiyak kâ-wîkit ayâw pakitinikawisiwin takanaweyihtahkik ekwa wayawetimihk tahastâcik wiyâwâw kîkwaya, masinapayihcikana ekwa ka-wiyastâcik kîkway owikamikosiwâwihk eta moy awiyak kahastâsot pihtaw ohci ôhi kîkwaya ekwa kotakwa opakitinikawisiwiniwâwa.
14. pikwâwiyak kâ-wîkit ayâw pakitinikawisiwin tapimipayihtâcik osôniyâwiniwâwa mâka kîspin moy kaskihtâwak ekosi tahitôtahkik.
15. pikwâwiyak kâ-wîkit ayâw pakitinikawisiwin kâhesi nohte tapimâtisicik.

PAKITINIKAWISIWIN ISI MIYWÂSIK NÂKATEYIHCIKEWIN EKWA TIPEYIMISIWIN.

16. pikwâwiyak kâ-wîkit ayâw pakitinikawisiwin tahayât e-miywâsik eta tawîkit, mîciwin, nâkateyimikawisiwin ekwa wîcihihtâsiwina kîspin nitaweyihtahkwâw.
17. pikwâwiyak kâ-wîkit ayâw pakitinikawisiwin tawihtamawihcik awîna e-atoskâkocik ekwa awîna e-nâkateyimikocik.
18. pikwâwiyak kâ-wîkit ayâw pakitinikawisiwin eta moy kotakwa takiskeyihtamiyit e-nâtawihicik ekwa kâ-nâkateyimikawicik.

19. pikwâwiyak kâ-wîkit ayâw pakitinikawisiwin,
- i. tawîcihihtâsot osihtâwinihk, wiyascikewinihk, ekwa kinwâpahcikewinihk ekwa kihtwâm itôtamihki ohci wawewin kâ-nâkateyimihcik,
 - ii. mîkihk ahpô moy tâpwihtahkik isi kîko nâtawihowewin, nâkateyimikawisiwin ahpô wîcihihtâsiwina eta kâ-tapwihtahkik wiyasiwewinihk ekwa takiskeyihtamowihehcik misihowina mîkitwâw ahpô moy nohte tâpwihtâtwâw,
 - iii. kwayask wîcihihtâsotwâwi itasiwewinihk ohci kâ-nâkateyimihcik, mîna itasiwewina ohci pihtakwahihtwâw, pakitinihtwâw ahpô ohpime itisahihtwâw isi ahpô ohci kinwes nâkateyihcikamikohk ekwa takahtinahkik peyak iteyihtamowin ohci anihi kîkwaya, ekwa
 - iv. kâhayâcik opeyakoniwâwa miywâyâwin kiskeyihtamowin ekota kâhiteyihtamihk anima *Personal Health Information Protection Act, 2004* moy takiskeyihtamihk ekota anima *Act*, ekwa takaskihtâcik takahtinahkik opeyako miywâyâwin kiskeyihtamowin, mîna wawewin nâkateyimikawisiwin, ekota anima *Act*.
20. pikwâwiyak kâ-wîkit ayâw pakitinikawisiwin tahayâcik ahkami itôtamowin ekwa kanaweyihtakisiwin sihtoskâtowin ohci kâ-nâkateyimikocik omiyawiyâhk, mâmitoneyihcikaniwâhk, kiyohkewinihk ekwa môsihtâwin miyomahcihowin ekwa kwayask kahesi pimâtisicik ekwa ka-wîcihihkawisicik takahcipitâcik onâkateyihcikewa ahpô kotak ayisiyiniw ka-sihtoskâkocik kâ-nitaweyihtahkik kîkwaya.
21. pikwâwiyak kâ-wîkit ayâw pakitinikawisiwin tahayâwâcik owîcîwâkaniwâwa, peyakoskâna, nâkateyihcikewa ahpô kotak ayisiyiniw e-misteyihtâkosit isi ana kâ-wîkit kanitawi mamawi apayit isi kâhayât masinahikan ahpô atoskewiyiniwak ekota mîkiwâmihk.
22. pikwâwiyak kâ-wîkit ayâw pakitinikawisiwin tawihtamawâcik awiya takahtinamiyit kiskeyihtamowin ohci ohpime itisahikewin

ahpô ahkosiwikamik asawihihci kâ-wîkit ayisiyiniw ekwa takahtinahk kiskeyihtamowin wepac.

23. pikwâwiyak kâ-wîkit ayâw pakitinikawisiwin takahtinahk nâkateyimikawisiwin ekwa wîcihihtâsiwin isi peyako kaskihtâwin pihtaw ohci mînopitamihk nâkateyimikawisiwin tâpowakeyihtamowin kwayask takaskihtâhk peyako kaskihtâwin pimâtsiwin mâci mistahi esi kaskihtâhk.
24. pikwâwiyak kâ-wîkit ayâw pakitinikawisiwin moy tacimiskâht, tepiyâhk ekotawihk moy mistahi ispayiki kâ-masinahamihk ôta ôma Act ekwa mîna kîspin nitaweyihcikâtewa kâhasteki ôta ôma Act.

kiskeyihta : peyak kîsikâw kâ-wihtahk lieutenant Governor, masinahikanis 24 ohci ayamihcikan 3(1) ohci anima Act meskopicikâtew sâpomasinahamihk ‘cimiskâmihk’ ekwa masinahamihk ‘cimiskawiht ahpô kipahoht’. (kinwâpahta: 2021, c. 39, Sched. 1, s. 203 (3))

pikwâwiyak kâ-wîkit ayâw pakitinikawisiwin tamiyht nâkateyimikawisiwin ekwa wîcihihtâsiwina tâpiskoc moy kinwes e-wîpimâtsit.

25. pikwâwiyak kâ-wîkit ayisiyiniw kâ-mâci nipit ahpô mitoni e-ahkosit ayâw pakitinikawisiwin tahayâwât owahkômâkana 24 tipahikana tahto kîsikâw.

PAKITINIKAWISIWIN KA-WIHTAMOWIHT, ITÔTAMIHK, EKWA KA-WIHTAMAN KÎKWAY MOY KÂ-CIHKEYIHTAM.

26. tahto kâ-wîkit ayisiyiniw ayâw pakitinikawisiwin ka-wihtamowiht masinahikanihk ohci tahto wiyasiwewin, âskôhikan ahpô âskohkewi masinahikan mostâcipitamihk wîcihihtâsiwina kâ-miyiht ayisiyiniw kâ-wîkit ekwa itôtamowina ohci kâ-wihtamihk kîkwaya moy kâ-cihkeyihtamihk.
27. tahto ayisiyiniw kâ-wîkit ayâw pakitinikawisiwin ka-wîcihihtâsot ekota kâ-wîkicik onîkânewin.
28. tahto ayisiyiniw kâ-wîkit ayâw pakitinikawisiwin ka-wihtahkik pîkwîhtamowina ahpô ka-wihtahkik kîkwaya ka-meskocipitamihk âskohkewi masinahikana ekwa wîcihihtâsiwina ohci wiyâwâw

ahpô kotakwak isi ayisiyiniwak ahpô misi-atoskewikamikwa moy ka-mostâcihihcik ekwa moy takostahkik mâyi itôtakawisiwin ahpô ka-wanitôtâkawicik, isi awiyak kâ-wîkiit ahpô kotak awiyak.

- i. aniki kâ-wîkicik onîkânwin
- ii. anima peyakoskân onîkânwin
- iii. ana kâhayât masinahikan, ekwa, kîspin kâhayât masinahikan anima misi-atoskâcikan, aniki kâ-pimipayihcikecik ekwa atoskewiyiniwak ohci anima misi-atoskâcikan, ekwa, kîspin mîkiwâm tâpwihcikâtew ekota Part IX, peyak wîtahpisiw ohci pimipayihcikewin ohci mîkiwâm ekota section 135 ahpô kâ-mâmawiyaticik pimipayihcikewak ohci anima mîkiwâm ekota section 128 ahpô 132.
- iv. atoskewiyiniwak
- v. okimânâhk opîkiskwewak
- vi. kotak ayisiyiniw pihcâyihk ahpô wayawetimihk kinwes nâkateyihcikewikamikohk.